



UCAPAN TETAMU KEHORMAT

**YANG BERHORMAT
DATO SERI SETIA Ir. AWANG HAJI SUHAIMI BIN HAJI GHAFAR,
MENTERI PEMBANGUNAN
KEMENTERIAN PEMBANGUNAN**

**"MINGGU KESELAMATAN DAN KESIHATAN 2021"
JABATAN KERJA RAYA
BRUNEI DARUSSALAM**

**DEWAN ATRIA SIMPUR
IBU PEJABAT JABATAN KERJA RAYA
HARI ISNIN, 25 SYAWAL 1442 / 07 JUN 2021**

بِسْمِ اللَّهِ الرَّحْمَنِ الرَّحِيمِ
الحمد لله رب العالمين
والصلاة والسلام على أشرف الأنبياء والمرسلين
سيدنا محمد وعلى آله وصحبه أجمعين

- Yang Mulia
Dato Seri Paduka Ar. Awang Haji Marzuke Bin Haji Mohsin
Timbalan Menteri Kementerian Pembangunan
- Yang Mulia
Awang Haji Amir Azman bin Pehin Orang Kaya Pekerma Setia Dato Paduka
Haji Abdul Rahman, Pemangku Pengarah Pentadbiran dan Kewangan,
Jabatan Kerja Raya selaku Pengerusi Majlis
- Yang Berhormat
Ar. Dayang Siti Rozaimeriyanty binti Dato Seri Laila Jasa Awang Haji Abdul
Rahman, Ahli Majlis Mesyuarat Negara
- Yang Mulia Setiausaha-Setiausaha Tetap dan Timbalan-Timbalan Setiausaha
Tetap, Kementerian Pembangunan
- Yang Mulia Ketua Pengarah Kerja Raya, Ketua-Ketua Jabatan dan Divisyen, di
bawah Kementerian Pembangunan
- Yang Mulia Awang Haji Mohamad Zin bin Haji Salleh
Yang Di-Pertua Persatuan Ukur, Jurutera dan Arkitek Brunei (PUJA)
- Yang Mulia Penceramah-Penceramah Undangan (*Invited Speakers*), Pegawai-
Pegawai Kanan, Jemputan-Jemputan Khas dan Hadirin Hadirat Sekalian

السَّلَامُ عَلَيْنَا وَمَعَافَاةَ اللَّهِ وَرَحْمَتِهِ

Salam Sejahtera dan Selamat Pagi

Alhamdulillah, syukur kita panjatkan kehadiran Allah Subhanahu Wata'ala kerana diatas limpah kurnia, rahmat dan taufik serta izinNya jua, membolehkan kita semua hadir berkumpul di Majlis sambutan "**MINGGU KESELAMATAN DAN KESIHATAN 2021**" pada pagi ini. Terlebih dahulu, saya mengucapkan syabas dan tahniah kepada pihak penganjur kerana dapat mengadakan majlis seumpama ini dan terima kasih diatas kesudian pihak penganjur menjemput saya hadir selaku tetamu kehormat di majlis pada pagi ini.

Hadirin hadirat yang dihormati sekalian,

Krisis pandemik COVID-19 telah memberi kesan atau impak terhadap pelbagai sektor pekerjaan di seluruh dunia tidak terkecuali impak yang *significant* ke atas industri pembinaan.

Industri pembinaan tetap akan terus memainkan peranan penting dalam pembangunan semula ekonomi global setelah krisis Pandemik COVID-19 ini berakhir dan secara berterusan dengan menghasilkan lebih banyak tenaga pekerja dengan persekitaran industri yang cekap dan inklusif serta berdaya tahan dalam menyediakan pekerjaan yang bersesuaian untuk industri ini.

Pengalaman Negara kita, bagi menangani keadaan ancaman penularan pandemik Crono-varius ini, memerlukan dengan segera sebuah bangunan Pengasaingan Kebangsaan iaitu National Isolation Centre, NIC pada bulan Mach tahun lepas. Ini merupakan satu keadaan yang belum pernah kita hadapi sebelumnya, khususnya didalam pembinaan dimana keperluan perkhidmatan tenaga pekerja menghendaki berkerja didalam keadaan norma baru atau "new normal" tanpa mengabaikan *Occupational Safety and Health procedure* yang telah di tetapkan.

Al-hamdulillah, Bangunan yang diperlukan itu telah dapat disiapkan dalam tempoh masa dua minggu sahaja tanpa ada sebarang kemalangan atau kejadian yang berbahaya dilaporkan.

Ini membuktikan didalam apa jua situasi pun, *Occupational Safety and Health* (OSH) tetap menjadi satu keutamaan didalam kerja-kerja pembinaan dan semua pihak untuk sentiasa mengukuhkan lagi sistem *Occupational Safety and Health* (OSH) dengan mengambilkira langkah-langkah kawalan keselamatan dan kesihatan serta pengurusan tenaga pekerja terutama sekali didalam situasi pandemik COVID-19 yang kita hadapi pada masa ini.

Tema bagi sambutan *Workplace Safety and Health* tahun 2021 ini iaitu **"Anticipate, prepare and respond to crisis: Invest now in resilient occupational safety and health systems"**; yang memfokuskan strategi memperkukuh lagi sistem keselamatan dan kesihatan pekerjaan nasional (OSH) yang berdaya tahan dan bersiap siaga menghadapi krisis seperti yang kita hadapi sekarang ini dan yang serupa dimasa hadapan, dengan memanfaatkan apa jua yang telah dipelajari dan pengalaman dari pelbagai bidang pekerjaan.

Menurut perangkaan dari Bahagian Kesihatan, Keselamatan dan Alam Sekitar, Jabatan Kerja Raya, penyediaan *Project Safety and Health Plan* bagi projek-projek binaan menunjukkan peningkatan sebanyak 3.7 peratus pada tahun 2020 berbanding pada tahun 2019.

Dan statistik kemalangan di industri pembinaan di Negara kita merekodkan, sebanyak 84 kes pada tahun 2020 berbanding dengan 69 kes kemalangan pada tahun 2019 iaitu meningkat sebanyak 21.7 peratus. Manakala, kes kemalangan yang menyebabkan kematian di tapak binaan merekodkan **7 kes kematian** pada tahun 2019 dan **6 kes kematian** pada tahun 2020.

Walaupun berbagai usaha bagi mengurangkan kes-kes kemalangan ditapak bina telah dibuat oleh agensi-agensi dan pihak-pihak yang terlibat, namun kemalangan di industri pembinaan masih juga berlaku dan belum dapat dikurangkan. Perkara ini hendaklah diambil perhatian yang serious oleh pihak-pihak yang berkenaan dan kita perlu bekerja keras bagi meningkatkan lagi rasa kesedaran tentang pentingnya menjaga keselamatan dan kesihatan ditempat kerja binaan seperti menjadikan safety auditing satu kemestian, memperkukuhkan sistem pemantauan dan juga mengadakan latihan-latihan khusus didalam aspek-aspek keselamatan ditapak bina secara berterusan.

Antara jenis kemalangan yang berlaku di industri pembinaan di negara ini adalah seperti: jatuh dari tempat tinggi (*falling from height*), ditimpa benda, kelemahan atau kecuaiian dalam mengendali jentera berat serta terkena peralatan atau mesin. Perkara ini amatlah membimbangkan dan juga merugikan serta menjejaskan pihak-pihak yang berkenaan terutamanya ahli keluarga mangsa.

Kes-kes kemalangan di tapak pembinaan ini adalah berpunca dari ketidakpatuhan dan kegagalan dalam memenuhi kehendak perundangan serta amalan atau piawaian keselamatan dan kesihatan tempat kerja. Antaranya seperti tidak mengamalkan pemakaian peralatan perlindungan diri (PPE) yang sepatutnya, penggunaan peralatan yang kurang sesuai, pemasangan peralatan yang tidak mengikut prosedur khususnya bagi kerja-kerja '*working at heights*' dan sebagainya.

Hadirin hadirat yang dihormati sekalian,

Saya difahami, Jabatan Kerja Raya, melalui Bahagian, Kesihatan, Keselamatan dan Alam Sekitar, telah dan sentiasa melaksanakan pemeriksaan serta audit keselamatan bagi projek-projek yang dikendalikan oleh Jabatan Kerja Raya bagi memastikan segala keperluan piawaian keselamatan dan kesihatan di tempat kerja dipatuhi, khususnya di tapak-tapak pembinaan bagi mengelakkan kemalangan. Terdahulu dari itu, pihak Jabatan Kerja Raya juga mensyaratkan HSE *Bill of Quantities* dan HSE

Specification dimasukkan ke dalam semua tawaran-tawaran kerja binaan agar pihak Kontraktor dapat menyediakan keperluan yang dikehendaki sebelum melaksanakan apa-apa jua projek.

Selain dari itu, pada tahun 2019, sebanyak **122 pemeriksaan** telah dilaksanakan di tapak-tapak pembinaan, manakala **150 pemeriksaan** pada tahun 2020 dibuat oleh Bahagian HSE, Jabatan Kerja Raya. Berdasarkan pemeriksaan berkenaan, didapati masih banyak syarikat/kontraktor yang tidak mempunyai orang yang kompeten (competence person) sama ada **Workplace Safety and Health Officer** dan/atau **Workplace Safety and Health Co-Ordinator** bagi menguruskan aspek keselamatan dan kesihatan di tempat kerja khususnya di tapak-tapak pembinaan.

Hasil pemeriksaan berkenaan juga mendapati, para pekerja serta pihak pengurusan tapak pembinaan masih kurang mendapat latihan atau mengikuti latihan-latihan berkaitan dengan aspek keselamatan dan kesihatan sepertimana yang dinyatakan atau dikehendaki di bawah **Perintah Keselamatan dan Kesihatan Tempat Kerja (WHSO) 2009**, di mana setiap majikan hendaklah memastikan para pekerjanya mendapat maklumat dan latihan yang sepatutnya bagi melaksanakan apa jua kerja yang diarahkan.

Alhamdulillah, didalam sambutan Minggu Keselamatan dan Kesihatan 2021 kali ini, saya difahamkan terdapat beberapa pameran dari syarikat penyedia latihan (training provider) yang berdaftar dengan SHENA, turut serta untuk berkongsi maklumat berkaitan kursus-kursus yang disediakan oleh syarikat masing-masing.

Dalam hal ini, saya menyeru semua pihak untuk sentiasa melaksanakan tanggungjawab masing-masing dalam pengurusan kesihatan dan keselamatan termasuk pekerja dan orang awam mulai dari awal pelaksanaan projek lagi, dengan menyediakan **Health and Safety Plan** yang cukup, terutama sekali *adequate risk assessment* yang disediakan bagi setiap aktiviti yang dilaksanakan di setiap projek.

Saya juga ingin menyarankan kepada pihak Jabatan Kerja Raya untuk mengadakan program bagi memberikan penghargaan kepada kontraktor atas komitmen mereka dalam pengurusan kesihatan keselamatan dan alam sekitar yang ditunjukkan sepanjang pelaksanaan projek. Ini bertujuan untuk meningkatkan lagi tahap keselamatan di tapakbina serta menggalakan kontraktor-kontraktor untuk mempraktikkan amalan keselamatan tempat kerja sebagai satu budaya kerja bagi menjamin keselamatan pekerja-pekerja ditapak bina.

Akhir sekali, dikesempatan ini, saya juga ingin merakamkan setinggi-tinggi penghargaan diatas sokongan dari penceramah-penceramah dan penaja-penaja yang turut komited dalam mempromosikan serta menjayakan sambutan Minggu Keselamatan dan Kesihatan ini demi meningkatkan budaya kerja selamat dan sihat dalam industri pembinaan.

Tidak lupa juga, saya ingin mengucapkan tahniah dan syabas kepada semua Ahli Jawatankuasa yang terlibat dalam menjayakan Minggu Keselamatan dan Kesihatan 2021 ini. Mudah-mudahan usaha yang dijalankan ini mendapat keberkatan dari Allah Subhanahu Wata'ala jua.

Dengan kalimah Bismillahi Rahmani Rahim, saya dengan rasminya melancarkan sambutan **"Minggu Keselamatan dan Kesihatan 2021, Jabatan Kerja Raya"**.

Sekian, Wabillahi Taufik Wal Hidayah Wassalamu Alaikum Warrahmatullahi Wabarakatuh.